

Naartuersittarneq pillugu inatsit nr. 232, 12. juni 1975-imeersup taartigisinnaasaanik maleruagassioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaaliornikkut Naartuersittarneq pillugu Naammagittaalliuteqartarfiup inuttalersugaaneranut tunngatillugu aalajangersakkat nutarteriffiqarsinnaaniassammata.

(Inatsisartunut ilaasortaq Olga P. Berthelsen, IA)

Akissuteqaat

(Agathe Fontain, Peqqissutsimut Naalakkersuisoq)

1. Siullermeerineq

Naartuersittarneq pillugu inatsisip (inatsit nr. 232 12. juni 1975-imeersup) naliliiffiqeqaqqinnissaa pillugu siunnersuuteqartoq qujaffigerusuppara.

Naalakkersuisut anguniagaraat meeqqat tamarmik kissaatigisaallutik inunngortarnissaat. Tamannalu aatsaat pisinnaavoq inatsisiliornitsinni aamma kissaatiginngisamik naartunermi peqqissusermut iluaqutaasinnaasunik pitsaaliuinermilu iliuitsinut pingaartitsinikkut.

Innuttaasut tamarmik naartunissamik pilersaarusionermi naartunaveersaartitsinerlu pillugit paasisutissanik assigiinngitsunik pisariaqartitsinerisa naammassineqarnissaasa peqataaffiginissaanut atatillugu Peqqinnissaqarfik annertuumik suliassaqqarpoq. Kisianni arnaq taannaavoq, paasisitsiniutit tunngavigalugit ilaquttanilu peqatigalugit isumaliutigilluaqqaarlugu aalajangertussaq naartuinnarnissamik kissaateqarnerluni. Pisuni tamani, arnap siunnersorneqarlunilu naartunaveersaatiniq neqeroorfigineqarnissaa, arnap kissaatigissappagu, Peqqinnissaqarfiup malitseqartitsinikkut qulakkiissavaa.

Soorlu siunnersuuteqartup eqqortumik uparuaraa, inatsisiliornerup oqaasertai ullutsinnut naleqqutinngillat. Taamaattorli aamma erseqqissaatigineqassaaq, naartuersittarnermut tunngatillugu maleruagassat tunngavimmikkut pisoqalisimannimmata. Inatsisip nutarterneqarsimanninnera naartusumut imaluunniit naartusup inatsisitigut isumannaatsuunissaanut kingunipiloqarsimannigilaq.

Peqqissutsimut Naalakkersuisutut ingerlaavartumik Peqqinnissaqarfimmi immikkoortunut tamanut malittarisassat nutarterneqarnissaasa qulakkeerneqarnissaat sulissutigiarpara. Tamatumunnga assersuutigisinnaavara tarnikkut nappaatilinnut inatsisip nutaap sularineqarnera. Tamatumani pisariaqartitsinerit annertupput.

Soorlu aamma siunnersuuteqartup uparuaraa, peqqissuseq aamma napparsimaneq, minnerunngitsumillu naartunermut tunngatillugu apeqqutit sularinerini, ileqqorissaarnermut tunngasuni isumaliutissarpassuaqqarpoq. Pineqartoq pillugu nutaamik inatsisiliornermut atatillugu aamma eqqumaffigissavara.

Neriorsuutigisinnavara, naartuersittarneq pillugu inatsit nr. 232 missoqqissaarnissaa Peqqinnissaqarfiup inatsisinik nutarterinerinut ilanngunneqassammat, taannalu naammassineqarumaarpoq periarfissaq siulleq atorlugu.

Tamanna tunngavigalugu, siunnersuutip akuerineqarnissaa Naalakkersuisut inassutigaat.